

Auto-Guide

(texte et musique : Jean-Pierre Clovin)

Nos n' pèrdrons nèn co l'autobus.

Dj'ai fini d' lire in prospectus :

di qwè rimpli saquant dîminces !

Profitons d' l'èstè qui coumince.

On va chûre ène vòye pou tourisses.

Èl papî dit qu' ça n'èst nèn trisse,

qui c'èst pléjant pou tous lès-âdjès,

qu'on va tché' d'sus dès bias vilâdjès !...

*R. Èt vîve èl' Vòye Arthur Masson,
Vòye dès Légendes, Vòye du Maquis,
Vòye dès « Payisâdjès Insolites »,
vîve lès pourmènâdes en auto !*

Lès flèches come ça, i faut lès chûre.

- Nèn s' piède au mitan dès patures ! –

C'èst droci qu'èl tchumin coumince...

Èl papî dit d'èrwéti l' cinse.

Èl' flèche au quate-tchumins, d'lé l' pîre,

on a bèn manqué di n' nèn l' vîr !

C'èst scrît qu'èl' fontène vaut n' foto...

Adon, on va s' djokér d'asto.

R. ...

Dj'ai toudis dit qu' c'èst rapaûjant,

d'zous l' solia, quand il èst lûjant,

– quand lès djon.nes dimèr'nut trankîyes ! –

d' mindjî s' pwin avou dèl' makéye...

Dèdjà ène eûre !

I faut dalér !

Audjoûrdu, faut fér deûs circuits :

faut râd'mint achèvér ç'ti-ci !

I gn-a dès fleûrs à lès maûjos,...

Mins dins l'auto, fét pètant d' tchaud !

T'as vu l' tchumin ? I d'vént bèn strwèt !

Ça m'oblidje à dalér tout drwèt !...

C'èst scrît qu'i gn-a n' fabrique di bîre...

On a p'tèt' bèn passè sins l' vîr...

Mins pou qu' ça fuche intèrèssant,

i faut dalér mwins' en s' prèssant.

Quand on r'vénra, bèn scrans, à l' vile,

on tchant'ra au gnût, en famille :

R. Èt vîve èl' Vòye... Armûre d'Assaut,...
Vòye dès... Sèrdjents, Vòye du Mârquis,...
Vòye dès « Payisâdjès... Insomnîyes »,...
vîve lès pourmènâdes en... (bip-bîîp...)